

人物志三十

湖北通志卷二

文學傳二目錄

詹謹之

周家鼎

張燕翼

吳元俊

劉湘燿

王德新

秦文樸

彭崧毓

從弟瑞毓

呂師端

張裕釗

柯茂枝

張官德

張開東

李標

賀魁選

胡觀岱

子洪鼎

李應熙

孔廣綸

萬斛泉

子壽椿

胡夢發

熊伯龍

蕭企昭

王戩

汪璲

子鈞

李以篤

彭一楷

彭湘懷

段嘉梅

戴喻讓

羅德霖

葉志詵

次子名澧

關鈞

孫棠

劉傳瑩

從子世仲

志百五十二

人物三十 目錄

胡兆春

子大文

黃文琛

從孫嗣東 嗣翊

李祖材

張清標

秦篤輝

子本祖

程正揆

沈宜

弟完 子岐昇

彭大壽

屠體中

子應守

程大純

李殿邦

夏熙臣

夏謨 夏嘉 瑞 夏光沅

羅詰

夏策謙

子立中 怨

程大呂

李春耀

胡紹鼎

陳運鎮

李曾馥

葉封

姚之琅

金光杰

子國均

高元美

弟山

方來

劉揆

張泰來

劉子壯

曹本榮

子宜溥

王追騏

欽士佃

陳大章

弟大華 華子師栻 大

王材任

兄材升

靖乃勳

子道謨

朱案扶

萬年茂

子承宗

王鑾

萬希槐

鄧琛



梅見田

洪良品

錢崇蘭

弟崇柏

殷雯

南昌齡

子心恭

官純滋

劉夢鵬

潘紹經

陳沆

弟澧

胡璧華

李中素

張希良

弟希聖

顧景星

盧紘

徐琮

胡薰

陳詩

吳之驥

劉醅驥

族祖秉鈔

張仁熙

子佳晟

舒逢吉

弟峻吉

金德嘉

黃利通

從子之騏

喻化鵠

從子坦

喻文鏊

子元鴻

吳鐸

陳中龍

董旦

王旒

寇鈞

弟倫

劉增

李道平

卓逢原

陳作賓

弟作輔

彭國殿

王正

郝世貞

郝師亶

萬法周

左瑛

田敷芷

志百五十二

人物三十 目錄

二

黃在瓚

程大中

呂庭詡

朱奇生

閔衍

子能恕

孫鵠

魏繼宗

高雲路

李蘇

弟蓮

李巒

金維岱

李潢

譚之琥

李元

莫與先

從父若玉

朱士尊

子載震

胡承諾

子襄

譚篆

譚孫蕙

子一豫

魏運昌

熊士鵬

劉淳

胡鼎臣

黎嘉會

顧夔璋

樊應榮

王萬芳

魯桂元

劉峩

徐克昌

張懋勳

楊名鳳

胡作柄

弟作相

作

張洪

子勳

孫增健

栗引之

楊州彥

聶子英

李懋緒

漆士昌

李世恪

子震生

張施均

張應宗

弟應龍

劉士璋

子經裕

程炯

孟培植

鄧承宗

龔紹仁

弟紹儀 以僖

蔡以 以僖

王柏心

子家仕

郭譜

子尚荃 尚芝

李自郁

易玉權

劉光榮

王席民

羅宏備

劉廷僖 陳士望

毛一驄

譚大勳

人物志三十

湖北通志卷二百五十二

文學傳二

清

詹謹之字仲庸江夏人爲文根柢六經時人方之唐應德中崇禎

丙子京闈鄉試出吳偉業之門吳爲房考順治初任濟南府推官釐宿

弊卻陋規屢平反大獄歸里後杜門課子潛心理學講習不倦著

有詩文集武昌府志吳詩集覽云黃岡人

周家鼎字峙鉉其先大治人後居江夏崇禎己卯舉人十六年獻

賊陷省城家鼎奉父母竄伏湖濱以免父沒乃築室梅城居之順

治己丑會試副榜例當除官不就康熙十五年大饑巡撫張朝珍

屬以勸輸助賑殫心經畫全活以億萬計晚年喜著書尤念鄉先

賢熊廷弼吳裕中賀逢聖佚事就湮各爲傳以表之居母喪不御

志百五十一

人物三十 文學傳

一

酒肉者三載著有家禮議宜及易詩解學者稱梅城先生湖北通志檢存稿

張燕翼字安仲江夏人順治戊戌會試副榜授黃陂教諭遷國子

學正轉禮部司務究心性理之學言動必以禮士人奉爲模楷嘗

有以金寄者其人已沒訪其孤還之一統志

吳元俊字干人一字鹿泉江夏人以副貢授辰谿教諭篤內行居

父母喪先後廬墓六年四十喪妻終身不娶邃於經論著有周易

貫通學庸邇言河洛圖解喪禮確遵錄主講江漢書院士林則之

湖北通志檢存稿

劉湘燿字元恭江夏人性穎悟負奇氣不屑爲舉子業嘗謂學以

經世天下事必求端於天時聞宣城梅文鼎以曆算專家鬻產走

千里受業其門湛思積悟多所創獲文鼎得之甚喜與友人書曰

驕悖必敗力辭去晚歲歸家著書以老卒無子其友陶編修士傑嘗編類其所著書爲學稼堂存稿目下或載其作書之旨今無一存者

湖北通志檢存稿 胡虔撰傳

王德新字又新一字菊門江夏人孤貧力學以貢入成均時與山陰莫晉陽湖劉嗣綰有三鳳之目莫劉皆掇高第德新僅以考滿得教職歸舉嘉慶戊午鄉試年已老矣授黃州訓導年八十告歸又七年卒著有葆醕堂文集同邑秦文樸字訥夫者布衣不求聞達而溺苦於詩嘗遊江南謁杜濬墓夜夢與晤談德新記其事於變雅堂後以爲精誠之通鬼神來告也文樸有遺詩一卷

江夏志

彭崧毓字于蕃江夏人道光乙未進士由庶吉士授浪穹知縣調昆明歷大關騰越同知遷永昌知府擢迤西道有廉能聲告歸家居十餘載仍讀書不輟尤喜獎厲後進著有求是齋集從弟瑞毓

志百五十二

人物二十 文學傳

三

字子嘉咸豐壬子二甲一名進士授編修工詩及畫嘗督山西學政擢雲南鹽法道署布政使

采訪冊

呂師端字孩人武昌人諸生九歲能文及長有時譽杜于皇稱其婉轉清便非時下所能知縣劉五雲爲構別業於西山居之後與周家鼎峙鉉楊兆傑又仁講學於黃山裁雲閣著有裁雲閣詩文集

彭維新撰傳

張裕釗字廉卿武昌人道光丙午舉人好讀書力攻古文辭曾文正視師湖北聞其名招致幕府旣而所業益進同光間海內言古文者並稱張吳謂裕釗及桐城吳汝綸也晚年尤工書頗取安吳包氏墨居畫中之說人競珍之歷主江甯之鍾山保定之蓮池及江漢鹿門各書院卒年七十餘著有濂亭文集

采訪冊

柯茂枝字根臣武昌人道光庚子舉人主講壽昌書院其學本於

麻城袁銑以辨義利爲先務時賊氛日熾益講求經世之學策以嚴軍政散匪黨固人心上之巡撫青麔又爲團練通行事宜胡文忠林翼率師圍攻江漢茂枝密陳機要文忠虛心納之羅忠節澤南駐兵金牛與論時事竟日極聽其言又論大錢多盜鑄官收鹽稅過重皆切於時以籌餉督團功屢膺保舉選授黃安教諭武昌志張官德字次功武昌人年十六見劉宗周人譜類記瞿然曰學也者學爲人也於是發憤攻苦凡旦晝所爲必記之以自考驗母徐疾衣不解帶者數月及卒哭泣無時以迄終喪以補弟子員從麻城袁銑遊沈潛經義益有心得中道光己酉舉人未幾避粵寇之興安主講安康興賢書院教人以朱子小學近思錄爲主學者從之日衆同治元年賊陷興安乃歸晚年尤好易未嘗釋手年七十卒武昌志

志百五十一

人物三十 文學傳

四

張開東字賓陽蒲圻人歲貢官蘄水訓導少有雋才與弟開楸俱知名性倜儻好遊嘗乘隻輪車大署一幟曰五岳遊人而以數馱隨邏者異之發其篋則所遊各省府州縣地志數百卷也詩筆無揀擇以多自憙卒後友人哀輯一千六百餘首爲白菴集同邑李標字蓼灘乾隆丁卯舉人亦工詩名與開東相埒蒲圻志

賀魁選字瀛洲蒲圻人乾隆己亥舉人與學士法式善爲莫逆交每入都必主其梧門書屋時長洲王芑孫念豐論文專剽剝六朝以沈博絕麗相夸魁選作文範以正之兄運梅弟魁南甚相友愛運梅喜任俠魁南擅史學皆有名人目爲賀氏三豹湖北先賢學行略

胡觀岱通城人少好學家貧授徒新昌前後幾三十年修脯所入資以養親昆弟困乏者輒以周之中嘉慶丁卯舉人授興山訓導縣俗僻陋觀岱加意培植蔚然可觀學使賀長齡按郡聞其風義

亟推獎之生平著作燬於咸豐兵燹子洪鼎同治癸酉舉人

采訪冊

李應熙字屯菴興國人乾隆壬戌進士改庶吉士以終養告歸卒

應熙工文筆凌厲爽健而性褊狹人以此不附獨武寧盛于野兄

弟愛其才爲序其遺集以傳

嘉慶志

孔廣綝字京周興國人諸生博涉經史爲文不趨時徑晚喜朱子

讀朱子書喟然謂其門人萬斛泉曰吾今乃知儒者之道眞在此

不在彼向來沈溺詞章所誤匪淺朝夕坐一齋教二子以篤行實

踐爲務著有論語管窺漱六山墅文集

興國志

萬斛泉字清軒興國人幼出嗣伯父年十歲嗣母駱卒哀毀如成

人弱冠得程氏讀書分年日程讀之知正學入門次第毫不可紊

因補讀小學近思錄諸書尤研精大學衍義通鑑綱目及三魚堂

集嗣父喪寢苦食粥三年不入內室居恆閉戶靜坐以授徒自給

志百五十一

人物二十 文學傳

五

或勸之應試不肯行龍學使啟瑞聞其學行延主漢陽崇正書院

逾年辭歸咸豐初粵寇犯興國斛泉獨與弟子講誦不輟賊異之

相戒勿犯閭里有藉以全者巡撫胡林翼以事聞於朝詔嘉獎賞

七品頂戴弟子宋鼎鄒金粟賞八品頂戴同治四年主講上海龍

門書院多士從之者益衆嘗授刊朱子大全張楊園集光緒六年

州修疊山書院成以斛泉居講席八年總督涂宗瀛特疏薦斛泉

恪守程朱之學躬行實踐老而彌篤加國子博士銜二十八年督

撫合奏斛泉學行端純耄勤不倦加五品卿銜時年已九十有五

矣後二歲卒季子壽椿承其家學宣統初元舉孝廉方正

采訪冊

胡夢發字卜子大治人少以黃鶴樓賦知名文譽籍甚康熙二十

三年聘修湖廣通志乙酉以五經舉於鄉時年已逾七十後磨勘

官見其試卷謂人曰天下五經胡夢發一人而已年八十四卒

雍正

志

熊伯龍字次侯漢陽人祖籍進賢晚自號鍾陵示不忘祖也少博學工文辭順治己丑進士以第二人及第由國史院編修累官內閣學士賦性耿介砥礪名節雖在朝籍恂恂如儒生猶日手一編不置屢司文柄得士為多甲午典浙江鄉試一榜中狀元三人探花一人督學順天及官祭酒時鄉會掇巍科者皆出其門其制舉文與劉修撰子壯齊名天下號曰熊劉所著古文有穀貽堂集雄渾樸茂得東京之遺卒年五十三

湖北先賢學行略 先正事略

蕭企昭字文超漢陽人順治丁酉副貢遊太學名動公卿時崑山顧炎武邃學蓋世企昭從之往復討論周易河洛性理諸書頗有解悟因為說以闡之又以學莫先於辨志作定志說著有客窗隨筆四卷亦曰蕭子語錄閻修堂稿一卷熊文端賜履甚重之故所

志百五十一

人物三十 文學傳

六

論多見於賜履閑道錄中遵程朱而黜陸王心平理得無門戶喧

囂之習

湖北先賢學行略

王戩字孟穀漢陽人祖家賓見列傳父士乾崇禎己卯舉人順治中官長沙教授與弟士顯齊名新城王士禎謂楚中名士有漢陽二王長沙令以墨敗倚士乾為解不得遂怨之誣士乾併繫戩徒步走京師訟父冤事乃解戩十二補諸生康熙戊子副榜遊士禎門名益噪士禎稱其詩有根柢有興會為之序又謂楚材自胡承諾顧景星後僅見此人平生以鬻文為活足迹徧天下與蒲州吳雯唱和尤多後舉山林隱逸中外九人戩未赴而卒時年七十著有突星閣詩鈔十五卷

湖北先賢學行略 案戩少讀書安陸貫安陸籍故安陸志載之實漢陽人也

汪璲字文儀一字默菴本休甯人寓居漢口遂為漢陽人游庠序間文名甚噪而力於躬行言動悉有程法所師友者高彙旃吳徽

仲汪惕若徐俟齋數人而已著有讀易質疑二十卷熊敬修稱其詞旨明晰能發前人所未發又有大學章句釋義語餘漫錄及詩文集子鈞字鄰石諸生世其家學

陳鵬年撰傳

李以篤字雲田漢陽人性坦率爲文多奇致經史諸子百家無不研究以貢入太學輦下名人爭相招致落落然也久之縱遊吳越歸傾橐中裝置姬人寶鏡婢埽鏡日飲酒賦詩爲樂合肥龔鼎孳爲作老蕩子失意行贈之著有菜根堂集

漁洋感舊集小傳漢陽志

彭一楷字端樹一字秋堂漢陽人貢生嗜學於書無所不窺文宗徐庾詩出入樊川丁卯閒時倣劍南著有耕雲堂集南海陳元孝吳蔡方炳序之所交皆一時名流遺老嘗遊衡嶽作記最工

漢陽志

志百五十一

人物三十 文學傳

七

閱歷山川阨塞詩筆益進文具有歐曾法度著有棟塘詩文集卒年六十

湖北先賢學行略嘉慶志

段嘉梅字孟和漢陽人歲貢生而穎異五歲就傅九歲能爲文年十二補漢陽府學生應鄉舉十有三次不中勵學不衰喜爲詩自寓胸臆不專一家駢體尤富贍援筆滔滔不竭嘗夜漏三下促作十數紙書俄頃而就辭藻可觀年八十二卒

采訪冊

戴喻讓字思任一字景皋漢陽人乾隆辛酉舉人授房縣教諭薦擢惠民知縣著有春聲堂詩文集喻讓才情發越駢體尤工麗九江推使唐英重葺琵琶亭大江南北名士觴詠成集令喻讓爲序文成人皆擊節稱賞又孝感羅德霖者乾隆間拔貢官密雲知縣工詩及駢文與喻讓交善

湖北先賢學行略

葉志詵字東卿漢陽人貢生學問該博尤肆力金石文字嘗從秦

漢印敷推求官制異同足補史漢書所未逮官內閣典籍游升兵部郎中致仕著有簡學齋文集平安館詩文集神農本草贊金山鼎考蘊奇錄行壽年錄上第錄稽古錄識字錄詠古錄等書次子名澧字潤臣道光丁酉舉人官內閣中書擢侍讀名澧於書無所不窺居輦下所識盡四方才俊自謂所學得於山陽潘德輿四農爲多遂師事之修顧亭林祠每春秋約同人致祭文讌聞翁覃谿學士之曾孫女溷迹市中貧無以度令爲己女擇名門子嫁之士林益頌其賢盛於一時以道員分發浙江中途病疴遂卒年四十九著有敦夙好齋詩集清微適厚有鮑謝風筆記三卷

采訪冊
朱琦撰傳

張星
鑑記

關鈞字月生漢陽人數歲失母及長以授徒養父中嘉慶癸酉舉人連試禮部不第貧無以歸居京師與陳編修中孚從舅陳修撰

志五十一

人物三十 文學傳

八

沈以道義相助盛京將軍某延主瀋陽書院立教有方士論翁服未幾卒著有詩文遺集孫棠光緒乙酉舉人

陳沆撰行述
采訪冊

劉傳瑩字椒雲漢陽人道光己亥舉人官國子監學正傳瑩初務爲精博之學一時朝彥若梅曾亮朱琦何桂珍龍啟瑞邵懿辰皆折輩行與交曾文正國藩尤相契其治方輿於胡朏明閩百詩最所服膺天算則求之梅氏江氏及泰西各書勸學沈思或達旦不寐家貧遠宦去父母意常不自得會喪婦遂遘疾自傷羸弱發憤歎曰凡吾所爲敝精費日以徼幸沒世不知誰何者之譽不已偵乎乃取濂洛以下切己之語而反復之爲日記一編記一日所行痛自繩檢謂致力時自不妄語始朱子編孟子要略書久佚傳瑩於金履祥孟子注疏考證內搜出排比次第殆還其舊性斂退不自標異既所造益深胸中常浩然自得人莫能窺也久之棄官歸

病篤爲家令處分後事正衣冠卒時年三十一著有漢魏石經考
覺書日記詩文集從子世仲字殿燠咸豐己未舉人學爲有用兵
算醫卜無不通覽三試禮閣不中以知縣投効曾文正營中常預
謀議未幾疾卒文正惜之

曾文正公集
梅曾亮文集

胡兆春字東谷漢陽人道光乙未舉人志求有用之學凡吏治兵
法鹽漕利弊山川形勝皆所切究咸豐四年曾侍郎國藩督師至
武昌延入軍幕任以籌餉事宜言多采用七年胡文忠林翼撫楚
見所爲固本選吏諸論深器之屬分輯讀史兵略以薦保同知不
就同治初議以漢口天下巨鎮宜建堡開濠築礮臺以資捍衛俾
兆春董其役兆春性高潔布衣蔬食日以撰述爲事晚益韜晦足
迹不出戶庭著有筆記退學錄史記輯語通鑑翼及詩文集子大
文諸生劬學早卒

采訪
冊

志百五十一

人物三十 文學傳

九

黃文琛字海華晚號貧叟其先餘姚人占籍漢陽道光乙酉舉人
官國子監學正改外署常德府同知歷署武陵邵陽二縣以能薦
擢知府署寶慶永州二府補永順府以事免同治初署衡永郴桂
道再守永州文琛少負文譽雅不欲以詞章自見恆殫精吏事在
寶慶當猺寇亂後又接壤粵西烽火交警文琛嚴守禦遠偵諜賊
密遣人規誘諸苗至則輒發其姦在永州一夕聞賊至募卒嬰城
固守已出兵搏戰大敗之賊解去所至釋冤理滯捕盜賊治黠猾
皆有政聲著有思貽堂詩文集從孫嗣東拔貢署陝安道嗣翊優
貢早卒

采訪
冊

李祖材字仲三漢川人乾隆壬戌進士授福山知縣以病乞歸家
居以文史自娛引接後進善於啟迪著有二益山房集

漢川
志

張清標字令上漢川人少負異質讀書十行俱下好證訂古今人

物故實尤留心文獻自弱冠爲諸生名噪藝林二十年病卒其父
哭之慟并取其生平著作焚之存者有竹樵詩集詠史詩楚天樵
話楚詩選數種

漢川志

秦篤輝字榆村漢川人之柄孫

之柄見列傳

歲貢篤輝幼孤事母至孝

及長肄業江漢書院山長陳詩愚谷深器之積學日富以慎獨爲
主以自得爲歸治經兼取漢宋文出入漢唐詩則規撫唐人沿及
宋元兼善書畫通方脈皆有論箸所著墨緣堂集三十二種其易
象通義經學質疑錄警書平書尤足羽翼經傳云子本祖字香谷
諸生世其家學主講南湖天中宛南平輿景賢各書院著有薇蔭
閣集凡二十餘種

漢川志

程正揆字端伯孝感人明崇禎辛未進士累官尙寶卿清兵南下
豫親王令正揆入閣辦事以勤敏稱洊升工部右侍郎正揆工書

志百五十二

人物三十 文學傳

十

畫世祖召入瀛臺給筆札畫屏十二幅以進世祖大悅賜御書一

軸後以京察罷歸

孝感志

沈宜字大悟孝感人父維炳明萬曆丙辰進士官吏部侍郎宜幼
穎異誦文選記覽精熟竟陵譚元春與宜伯父維燿善常至其家
令默江海二賦無一字訛歎曰吾目無兩也及長淹貫諸史於宋
金史尤悉隨父京師得觀大藏經叩之娓娓不窮爲古文堅峭奧
衍太倉吳偉業序之由貢生官宣化府推官任滿調杭州丁憂起
補鎮江府推官奇溧陽馬世俊才教之如子弟世稱其知人性伉
直以治獄不肯株連忤上官罷歸所爲詩一宗唐人兼工尺牘有
臥紫山房文集玉燭長編及函雅等書弟完字无咎子岐昇字曉
男皆有文譽

雍正志 孝感志

彭大壽字松友孝感人明諸生順治初應詔考拔貢庚寅後遂絕

意進取家貧授徒雲夢遂家焉生平力學精進闇然真修有欲邀
之會講者大壽不可遠近問業者踵至當事欲見之以老辭嘗輯
朱子家禮及邱濬所定者斟酌時宜取可通行名曰通禮他所著
書有語錄存是大易合解詩經合解春秋合解賢相集高尙集孝
義錄杜詩益古文益魯岡藏藁自娛草實學八要凡百餘卷又魯
岡或問四卷精理名言於身心尤有裨益卒年七十九孝感志
雲夢志
屠體中字心衡孝感人明貢生讀書於九峻山之簏葉澗閱數歲
未嘗還家聞以道學鳴者輒顰感曰道者人所率由也學者人所
效法也語言文字直末耳人不從事躬行與己何裨年八十二卒
子應守字孰大有學行順治丙戌舉人官五河知縣孝感志
程大純字漢舒孝感人康熙初歲貢官黃岡教諭孝感自熊賜履
著學統涂天相從之討論講學之風日盛而閑道錄下學堂劄記

志百五十一

人物三十 文學傳

十一

務在申朱排陸大純所撰筆記二卷謂陸王雖矯枉過正用之以

救口耳之學不爲無益論甚持平同邑李殿邦字左釐康熙乙丑

進士授編修亦從熊賜履講學著有覆齋日札湖北先賢學行
略 經義齋集

夏熙臣字無易孝感人祖時亨天啟壬戌進士累官四川參政父

焯貢生熙臣七歲補諸生以歲貢官通城教諭遷安陸教授素以

文知名而詩尤工著有巢雲閣集後更益以新作爲匏尊山人集

十七卷才情富贍族人謨嘉瑞光沅皆有名謨字敬陳諸生究心

理學期於實踐嘗倡修邑志嘉瑞字葵菴諸生寓漢上與劉子壯

熊伯龍結社晴川爲文雄奧陳名夏序其集光沅字蘭谷廩生見

知於提學蔣永修著有易經解太極圖說及詩文集孝感志

羅誥字八書孝感人順治甲午進士以母老歸養不仕孜孜講學

聞遠近有同志者芒鞋襪被往訪之一統志

夏策謙字恭占孝感人康熙己卯舉人性嗜學老而彌篤由蘄水教諭遷寶慶教授尚書涂天相以博學鴻詞薦以老疾不赴子立中字映川年十五以五經冠童子軍益研窮經義每夜必雞鳴方就寢後主湖南集賢書院康熙辛丑成進士改庶吉士雍正元年卒於京力恕字觀川與兄立中同榜進士同膺館選授編修雍正癸卯順天鄉試同考官甲辰山西正考官預修明史一日忽心動曰母念我也告歸遂乞終養不仕家居三十年讀宋五子書浩然有得其論學務在窮理隨事體認以求其歸或問爲學之要第教以立志母卒侍父膳非親嘗不進嘗修湖廣通志主講江漢書院乾隆初舉鴻博丁卯舉經學當道欲薦之皆固辭著有易論四書劄記杜詩筆記菜根堂詩文集湖北先賢學行略參孝感志

程大呂字文載孝感人力學嗜古詩文援筆立就中康熙癸丑進

志百五十一

人物三十一 文學傳

士歸益抗厲於學不求仕進制行方嚴士林敬憚十七年舉博學宏辭未及試病卒著有天台子集十餘卷子維祉光祜光祀皆以才學聞同邑李春耀字東谷康熙丁酉舉人乾隆元年亦舉

鴻博孝感志

胡紹鼎字雨方孝感人祖世英彝陵總兵見宦績父德麟參將紹鼎

乾隆辛酉舉人以母老一上公車不再試繪負米圖以見志服闋甲戌會試第一授編修遷浙江道御史假歸補山西道御史轉河南道卒官生平仗氣節植立不倚典試雲南得士昆明錢澧古文雄傑奇秀晚年刪存僅二卷曰所存集江西楊屋汪軻蔣士銓皆與往來酬唱書法遒健時謂紹鼎壻於邑中程氏程正揆以書畫名啟禎間紹鼎得其傳云孝感志

陳運鎮字中緯孝感人嘉慶己巳進士授內閣中書遷工部主事

好學公餘輒手一編至忘寢食與山左劉鴻翱廬陵王贈芳相切
劖致力古文辭後師會稽潘諮詣益進官不達而名重京師著有
景士堂文集孝感志

李曾馥字次香孝感人嘉慶己巳進士授信豐知縣以母老乞養
歸服闋補永豐調署甯都知州告歸時年五十以讀書課子自娛
初官江西時與陽湖惲敬交善受其古文法晚益淬厲於學著有
六草軒文集年八十四卒孝感志

葉封字井叔黃陂人先世嘉興王氏父長青後於葉崇禎末官黃
州衛經歷攝黃陂縣令賊至殉節封占籍焉避亂武昌樊山下讀
書養母黃岡王澤弘時以翰林家居月夜泛舟樊湖聞書聲出菰
蒲中曰必井叔也迹之果然順治己亥成進士授延平府推官改
登封知縣遷西城兵馬司指揮舉博學鴻辭報罷授工部主事命

志百五十一

人物二十 文學傳

三

未下卒新城王士禎最喜其嵩山諸詩毛際可亦稱與施閏章中
岳少室諸作相伯仲後又以鄂中懷古詩二十首寄士禎士禎謂
無一字不佳其在京師與商邱宋犖收仲邵陽王又旦幼華安邱
曹貞吉升六曲阜顏光敏修來德州田雯子綸謝重輝千仞晉江
丁煒雁水江陰曹禾頌嘉江都汪懋麟季角齊名士禎合刊其作
爲十子詩封於嵩陽書院側得宋崇福宮故址因考曾以宰執領
官使者司馬光以下十有二人置祠祀焉輯嵩陽志二十一卷又
撰嵩陽石刻集記二卷備載全文辨證精博比之洪适薛尚功等
書學者寶之嘉慶志 黃陂志

姚之琅字樹西一字梧軒黃陂人四川巡撫締虞孫戶部郎中華
子讀書不屑屑訓詁作文力追先輩好爲詩時有奇氣尤精熟史
法多主郡縣志局慕閔仲叔范史雲之爲人一介不苟乾隆戊午

舉人著有詩文集邵大業撰傳

金光杰字殿珊黃陂人嘉慶庚辰進士授編修遷河南道御史掌福建道署兵科給事中光杰自爲諸生時有盛名居京師喜汲引後進有文藝者獎勉以所未至人樂就之子國均字可亭道光戊戌一甲二名進士授編修游升侍讀典文衡者五次得士爲多以告養歸黃陂志

高元美字長人沔陽人幼卽工文辭年十三學使彭而述三試之皆冠其曹補弟子員康熙中兩中副車年四十遂絕意進取力學嗜古以琴酒自娛詩宗陶柳書法趙文敏畫倣倪雲林著有寄山堂集弟山字子仁亦有雋才能詩畫山水尤擅名深得元人筆意

沔陽志
國朝畫識

方來字脫菴沔陽人風神雋朗讀書過目成誦受業潛江莫與先

志百五十二

人物三十 文學傳

十四

之門與先歎曰老夫當避此子一席年十一補潛江弟子員康熙庚戌成進士柏鄉魏裔介合肥龔鼎孳見來所作詩文亟稱之於衆擬選館職適以目疾未與試授內閣中書著有華梧堂集沔陽志

張泰來字陸泉沔陽人乾隆中歲貢博覽強識行事一以經義折衷居弟喪九月同人促令赴試泰來引古人期服去官行喪以譬之又譏李穆堂紱宗子主祭之說以爲未愜詩古駢文皆取法乎上後益講求有用之學凡朝章國典吏治民情紀述尤詳著有七經纂要及詩文集若干卷沔陽志

劉揆字文白沔陽人乾隆乙酉拔貢廷試第一聲譽大起和坤欲致之拂衣歸主講聚奎書院好學至老不倦著有春秋蒙求二十四卷禮記存疑二卷論孟集注附考二卷綱目附考二卷大統歷注一卷勾股淺說二卷荒政錄四卷捕蝗一卷翫草園詩文集十

二卷 沔陽志

劉子壯字克猷一字稚川黃岡人順治己丑一甲一名進士授國史院修撰其廷對策如請開經筵立滿洲學教習併屯衛蠲荒賦皆次第見之施行八年分校會試得知名士二十二二人尋告歸蕭然如布素性孝友九歲失恃每念母輒爲孺子泣遂以吧思名其堂嘗遊崑山有小吏被誣繫獄白於令脫之吏質女得金以爲壽亟卻其餽止之同鄉某被兵難其妻被掠至京捐百金贖之俾得完聚他篤行多類此子壯文章雄厚經術爛然與漢陽熊伯龍齊名著有吧思堂文集八卷詩一卷

湖北先賢學行略參黃州府志

曹本榮字木欣一字厚菴黃岡人少時見王陽明全書心篤好之順治己丑成進士改庶吉士館師胡此菴方講示明善之旨益相討論久之有得嘗往蘇門謁孫奇逢著五大儒論以程朱陸薛王

志百五十一

人物三十 文學傳

五

爲宋授編修十年遷右贊善轉國子司業應詔上聖學疏略謂得二帝三王之統則當以二帝三王之學爲學君德旣修祈天永命必基於此有旨嘉納刊朱子白鹿洞學規使監中諸生肄習十一年擢中允十二年選儒臣有學品者七人爲日講官本榮與焉尋進秘書院侍講再遷左庶子兼侍讀十四年主順天鄉試轉侍讀學士以失察同考官不法事降級旋復故十八年補翰林院侍講學士轉侍讀學士又改國史院康熙四年請假回籍遷葬卒於揚州病革猶與門人計東講學不輟年四十四孫奇逢聞之歎曰明清之際道在曹子江漢風流盡矣蓋本榮在經筵首以程朱之學進於世祖也奉命與大學士傅以漸纂周易通注九卷所自著有奏議稽詢五大儒語要周張精義王羅擇編古文釋略凡若干卷子宜溥字子仁廕生康熙十八年薦舉博學鴻辭授檢討敦瀟名

操著有鳳岡詩集

計東撰行狀 湖北先賢學行略 黃州府志 案本榮同年生漢陽譚鳳楨官大理評事卒於京邸貧不能適本榮為經紀其喪其妾遺腹生子將改週本榮曰不可使我友無後特置乳媪撫育之如己出蔚州魏象樞為賦古人交行 見行狀

王追騏字雪洲黃岡人順治己亥進士改庶吉士授禮科給事中

性伉直多所建白出補武德道僉事坐事免歸閉戶窮經者二十

年九潛心易理懸河洛圖於座朝夕省覽康熙十八年以博學鴻

辭徵不赴著有居侯樓集

詩人徵略 黃岡志

欽士佃字文思黃岡人本籍江夏康熙庚辰進士授編修少孤家

貧拾薪養母以孝聞性淡泊不慕榮利工詩古文有函雋疏爽之

致掌院長洲韓茨極推重之謂為尹師魯梅聖俞之亞著有瀛洲

集

雍正志 案士佃一姓周又嘗居 蘄州故江夏黃岡蘄州志皆載之

陳大章字仲夔黃岡人肇昌子

肇昌見 列傳

從父廣東督學任與梁佩

志百五十一

人物三十 文學傳

夫

蘭陳恭尹交善獲講習之益遂工詩古文由舉人官內閣中書康

熙戊辰進士上稔知其名以問閣臣改庶吉士時以為榮母老遂

乞養歸築室松湖究心性理學益純邃著有詩傳名物輯覽讀史

隨筆玉照亭詩鈔北山文鈔抱節軒筆記大章兄弟五人最少者

大華幼穎慧年十四賦鸚鵡洲詩曰漢祚日以非志士憤不已褊

心固其常英氣亦何偉不見大小兒捐生同一理長嘯俯大江日

暮酸風起諸人為之擱筆康熙甲申鄉試第一晚工書著有書法

緒言備論執筆之要又有石髓集詩六卷大華子師棫舉人官德

平知縣著有敬義堂集

湖北先賢學行 略 黃州府志

王材任字子重黃岡人澤弘仲子

澤弘見 列傳

康熙己未進士時澤弘

官翰林學士材任不肯留京師歸而益致力於學久之始出補官

累遷僉都御史性清介執法平允彈劾不避權貴尋告歸寓居常

熟虞山之西礪因自號西礪老人先是澤弘以詞林老宿在臺閣負燕許之望及其歸老江南矻矻風雅遠近奉爲總持材任饒有父風益都趙執信高才傲物獨與材任傾倒甚至後沈德潛稱詩吳下材任猶與相唱和年八十七卒兄材升貢生候補主事亦有

詩名

湖北先賢學行略參黃岡志

靖乃勤字敬菴黃岡人諸生好讀書精三禮之學受知於蔣學使永修康熙十三年山寇竊發知府于成龍討平之乃勦贊畫之力居多子道謨字誠合康熙辛丑進士揀發雲南署姚州知州下車訪民疾苦除陋規清積案獄訟衰息以病乞歸道謨少以文學顯關中王心敬講學江漢海內所稱豐川先生者也往請業焉復游楊文定名時之門由是學益純粹官雲南時總督鄂爾泰知其博識屬創草雲南貴州兩省通志及歸歷主鰲山白鹿江漢各書院

志百五十二

人物三十 文學傳

七

裁成後進士頗多乾隆元年河督王士俊以博學鴻辭薦十五年巡撫唐綏祖舉經學皆以老病不赴居家孝友置義田六百餘畝以贍族倣朱子社倉法儲粟備荒鄉故多水患爲築鍾秤隄障之嘗修黃州府志以父乃勦習三禮因纂輯諸儒訂以己意曰過庭編年八十四卒

雍正志參湖北先賢學行略

朱案扶字典傳黃岡人好古勤學雍正癸卯舉人授南漳教諭預修襄陽鄖陽安陸三府合志以憂歸乾隆戊辰登進士未仕卒著有知心堂文集

湖北通志檢存稿

萬年茂字少懷黃岡人乾隆丙辰進士授編修典試山東分校會試稱得人梁國治劉墉爲最著遷監察御史遇事敢言以劾于振陳邦彥忤旨罷歸將出都兩月間成周易說六卷發明體用一源之旨揚名時見而歎曰歷聖心傳在是矣歸益以讀書養親爲樂

歷主麟山涑水鷺洲豫章嶽麓河東江漢各書院學者咸尊仰之五十七年重宴鹿鳴卒年九十子承宗字梓巖嘉慶甲戌進士授都勻知縣擢知大定平越二府政尙慈惠有賢聲歸主荆南江漢

書院

黃州府志

王鑾字伯聲黃岡人乾隆丙午副貢鑾早有文譽歷遊黔滇閩粵諸幕府及貢將赴成均以母老遂不行徙居邑東古高士莊躬耕授徒自給非公事不入城郭非講學不交賓友嘗言周子太極說與易合而可不圖邵子先天不可不圖而未必合易又謂吾文則倣歐曾及近代汪鈍翁魏叔子詩則遠祖少陵近禰漁洋云黃州府志萬希槐字蔚亭黃岡人嘉慶初歲貢九歲能屬文博通經史聞人家有藏書不遠數百里必走觀之著有困學紀聞集證蘄州陳詩序之謂爲王氏之功臣閻何之諍友官南漳訓導黃岡志

志百五十二

人物三十

文學傳

六

鄧琛字獻之黃岡人道光癸卯舉人由教習官山西知縣歷署甯武神池陽城吉州補蒲縣調介休居官以廉惠稱三爲鄉試同考官皆得士性耽吟咏慕都下友朋講藝之樂入資爲刑部郎中居二載假歸年六十餘矣歸貧甚預修黃州府志主講河東書院卒之前歲刪汰所作詩存十之三四爲荻訓堂詩鈔十卷琛生月餘而孤母氏黃撫之成立云采訪冊

梅見田字菊階黃岡人道光丁酉拔貢方聞博覽史漢文選背誦如翻水不竭尤邃於經宋儒之說經者能一一析言之性狷介喜默坐達官貴人欲一見不可得督學馮譽驥嘗屏騶從往訪之請刻其詩文固辭馮爲作楚遺賢歎詩采訪冊

洪良品字右臣黃岡人髫髻讀書寒暑罔間長益博研經史值兵寇倣擾造次未嘗廢學同治戊辰成進士授編修累擢御史給事

中遷掌戶科居諫垣十八年凡中外大小利弊圍法鹽政水利揀荒知無不言一歲疏數十上言亦無不盡者諒山之役議給法人兵費良品力爭謂爲代敵自攻他日四夷搆衅皆將於我取償失計之甚後十年倭事起良品發憤累欵疏入皆不報嘗典試二次癸酉山西壬午四川同考一次乙酉順天皆得士卒年七十二著有古文尙書辨惑二十三卷古文孝經薈解八卷龍岡山人詩文鈔三十四卷駢體文鈔四卷葵園奏議六卷

采訪冊

錢崇蘭字湘畹黃岡人篤學有雋才工詩及駢體文由拔貢中咸豐己未舉人粵賊之亂避地城山居有竹木園池之勝與弟崇桂崇柏讀書其中名重一時著有存稿五卷崇柏字季貞自號城山樵叟咸豐戊午舉人官沔陽訓導著有思鶴山房詩文鈔十六卷時同邑又有劉溱殷雯俱以詩文鳴溱字芙蓉同治壬戌舉人官

志百五十二

人物三十 文學傳

九

武昌教授著有小隱山房集雯字東坪光緒甲午舉人著有東坪

集

黃州府志采訪冊

南昌齡字念貽蘄水人國學生父光發官內閣中書與湘潭陳鵬年善有名於時昌齡四歲而孤母王氏尙書澤弘之孫隨母依外家年十二解屬文十七謁鵬年於袁浦鵬年手書方正學格言一紙相勸歸益感憤治經史五夜篝燈不輟以江海澄清賦知名乾隆元年巡撫吳應棻薦試博學鴻辭罷歸乃更肆力著述尤沈酣於詩自謂始學松陵倡和繼學義山晚嗜昌黎焉子心恭字伯容諸生年十四卽工詩俊邁有奇氣甫四十卒

湖北先賢學行略 蘄水志

官純滋字秀士蘄水人父撫邦歲貢官大治訓導純滋康熙辛酉拔貢幼卽嗜學恥事帖括嘗取古今典制因革暨名賢博議裁以已論爲書百卷名經世要則後益研究經傳尤精詩易云

蘄水志

劉夢鵬字雲翼蘄水人乾隆辛未進士授饒陽知縣撫民愛士有循聲以憂歸尋卒著有春秋義解十二卷大旨推本公穀謂公穀屬辭比事義不詭於儒者其斥左氏也持論甚辨又有屈子章句一卷先正事略

參蘄水志

潘紹經字箬舟蘄水人乾隆丁未進士授編修遷山東道御史預修八旗通志轉兵科給事中乞養歸紹經博覽載籍長於撰述著有詩文內外集諸書七十餘卷

黃州府志

陳沆字太初一字秋舫蘄水人嘉慶己卯一甲一名進士授修撰道光二年主廣東鄉試三年充會試同考尋卒沆內行純篤母疾搏顙籲天請代居京師與邵陽魏源友善砥礪實學尤篤好宋五子書充然有得著有近思錄補注詩比興箋簡學齋詩文集弟澣字大雲少有才名嘉慶丁丑進士授編修典試廣西稱得士遷江

志百五十二

人物三十 文學傳

辛

南道御史因陳言過激降主事歸

黃州府志

胡璧華字崑白蘄水人道光辛巳舉人任咸甯教諭崇陽鍾人傑之亂襄辦守禦有功擢知縣署昌黎縣及順德府同知皆有惠政乞養歸主講蘄陽書院年八十餘卒著有平崇紀略求可齋詩文集

集

黃州府志

李中素字子鵠麻城人父春江少以神童稱譚元春劉侗艾南英皆折節交之官武昌教諭中素早孤性孝友儻多才詩古文辭下筆立就聞沛上閩爾梅名千里訪之不遇留贈詩十首後爾梅得詩諷誦不輟名聞京師以歲貢授湘鄉教諭主嶽麓書院遷閩

縣知縣調臺灣有惠政卒官

黃州府志

張希良字石虹黃安人父百程以文學知名希良康熙己酉舉於鄉官江夏教諭與安陸教授金德嘉並負經師之望乙丑成進士

二甲第一授編修三十七年充會試同考官中擬策問同官服其淹雅遷贊善預修三朝國史一統志明史類函諸書累進侍講督學浙江乞致仕歸卒年八十二著有春秋大義宋史刪文章宿海格物內外編寶宸堂詩文集弟希聖字亞石諸生博聞多識安陸有異鳥人面鳥身頷下白髭長三尺眾莫識希聖曰明萬曆十五年此鳥見於秀水縣其年大水此水徵也已而果驗三十三年諭令翰詹衙門日輪四員入直南書房希良與焉

黃州府志

顧景星字赤方一字黃公蘄州人生時父天錫夢星降於庭形如半月因名之三歲不語一日忽語及前生事甚悉五歲大父喪哭踊如成人六歲能賦詩八九歲徧讀經史目數行下時稱聖童合肥龔鼎孳爲蘄水縣令見之曰此江夏黃文彊也中崇禎己卯副榜旋丁母憂時饑疫相仍寇氛四熾窺蘄甚亟先是督師熊文燦

志百五十一

人物三十 文學傳

三

挈張獻忠降賊十餘營過蘄荆王止之與寵姬觀其走馬景星年方十六謁知州白熊公無死所矣獻忠於諸賊最黠不除必貽後患奈何既不爲備反令此輩得窺王宮知州色變亟勒兵入周旋竟日而罷十六年春賊竟屠蘄斬王棺虜其寵妾去景星隨父避亂之崑山福王監國南京試七省流寓生貢景星第一授推官馬士英使人密招附已景星不往去之黃山白嶽閒欲浮家澱湖爲長隱計清兵下崑山爲大軍所得命以原職隨征以親老辭獲免久之歸蘄結茅以居著述爲娛藜羹不繼意豁如也時方清丈田畝景星與當道書曰官病里長隱匿履畝清弊雖愚民亦知其善乃闕言不便何也鄉路寫遠供億不資其賄賂需索亦不一今歲大旱蕨橡菱藕略盡所以無大殍死者則戶口少新畬未起稅故耳一旦丈量費將安出況荒田半在荆棘中自古開國多行蠲免

招徠墾闢漸增租入卽以近代言之宋當五代大亂之餘至景德凡四十餘年天下田賦纔一百七十萬頃又七十餘年爲元豐始有四百六十萬頃外此仍多租稅所不加神宗用呂惠卿手實法南渡後理宗令州郡排定保甲手實皆以言者力爭得罷元旣得宋命諸路達魯花赤勸誘開墾阿合馬謂江南稅不實宜覈世祖慮擾民而止延祐初章閻言熟田隱匿宜令按實數年民不聊生盜賊蠭起由是觀之利害瞭然可見洪武二十八年令新開田地不取科所以勸墾闢也頃者軍旅不息饑饉相仍丈量一行必加急迫以方招攜之時而行府怨之政事之不便無逾此者必欲行之亦宜少寬歲月又書論積貯曰大河以南吳楚大熟數十年未有故雖在兵革民獲休息然豐凶之數率相往復楚俗不知遠慮鮮事蓄積一遇凶歲富戶封困待價貧者詣門貸升斗不肯假而年穀一登遺秉相望掉臂不顧以致出賈他境四五月間雨暘稍愆穀價頓踊封困乞貸如前豈不大可恨哉今年歲熟明年或不可知春秋書大有年劉向以爲災何者變生於盛滿而禍伏於不備也宜令州縣乘時收穀夫荒政不在凶年而在豐歲豐年勸糴凶年勸糶勸糶則賤不傷農勸糴則價不頓起今穀賤農傷折銀不得如期足額何如勿令改折止納本色民間一聞此令必踊躍輸將以時勢計兩三月後本色所值過於折色利入於公而民不困卒遇軍旅凶荒出以應之而民不知此李愷所以強魏長孫平戴胄所以富隋也漢元鳳時以百姓未贍許三輔太常郡以菽粟富賦古有行之者矣時頗采用其言順治十六年詔徵天下山林隱逸之士撫藩強之不起康熙十七年詔舉博學鴻辭六科公薦令有司敦迫上道固辭不許扶病至都入覲保和殿賜茶饌給檢

討俸再以病懇放還二十年卒年六十七景星所著書多燬於兵火今存白茅堂集則其子昌所輯昌字文饒康熙癸酉舉人湖北通志

檢存稿

盧紘字元度一字澹巖蘄州人順治己丑進士授新泰知縣歷桂林同知累遷蘇松糧儲參議長蘆鹽運使簿書旁午未嘗廢學與同壘顧景星倡酬無閒嘗修蘄州志錢謙益甚稱之著有四照堂文集三十五卷樂府二卷湖北先賢學行略 蘄州志

徐琮字侶蒼蘄州人九歲入塾得遺金俟道旁還其人補諸生博洽多聞工詩畫尤精六書籀篆之學著有古文篆韻五卷畫學小米參以大癡而蒼渾獨勝夏逢龍之叛土賊竊發琮夜率壯士火其寨賊遂奔潰鄉人德之雍正志 蘄州志

胡薰字蘭亭蘄州人少穎異乾隆戊子舉人志耽經籍勤於撰述

志百五十二

人物三十 文學傳

三

著有周易晰言尙書集義詩經詳詁禮記纂錄特性饋食集訓春秋通解鄉黨類考門下通經術者數十人嘉慶元年州舉孝廉方正辭不就黃州府志

陳詩字觀民一字愚谷蘄州人乾隆甲午鄉試第一戊戌成進士授工部主事以母老告歸主講江漢書院出其門者多知名士詩博聞強記於書無所不窺著有知不足齋集考證經史多所發明又有湖北舊聞錄金石存佚考尤有功於文獻黃州府志

吳之驥字展其蘄州人道光丙午優貢考取教習當授知縣不就客遊蜀豫章當道爭延致之文宗徐煥詩法少陵又善書得義獻筆意著有蜀船草行篋詩存伴星賡唱集林蘭堂文集黃州府志

劉醅驥字千里一字廓菴廣濟人祖秉錄字昇之以孝稱父洪芳字孔實嗜學工詩醅驥少長於舅氏胡士容家士容富藏書下帷

攻苦遂以閱博知名嘗恨宋元以來文字卑弱獨奉左國史漢爲繩尺以古文自負於詩則宗初盛唐或苦其文生獍豕兀幾不能句醅驥愈自喜更曲折盡態乃止名藉甚年逾壯悔之日取周程張朱陸王諸書伏几研悅涵養蓄植者益深順治初以歲貢入成均與施閏章魏裔介魏象樞曹本榮講業極歡或勸之仕曰吾固不任是告歸與同邑張仁熙共倡長風山社力振楚風會修湖廣通志布政張九如聘之三藩告變事中止康熙十四年卒醅驥貌頽而癯深沈簡默無貴賤不可狎不屑計生產及卒貧無以爲斂著有芝在堂集族祖秉鈔字幼凝年少於醅驥數歲及醅驥弟醅駿皆有聞於時

湖北先賢

張仁熙字長人廣濟人家於江濱藕灣父楚偉天啟癸丑舉人好遊覽工詩有雪巔集仁熙年十一屬文有奇氣父早沒廬墓芝生

志百五十二

人物三十 文學傳

五

其側事祖父母歷三十年及卒復廬於墓鄉人賦孝子慈孫歌以美之會流寇躡楚職方楊卓然議安插降賊革里眼左金王等衆於蘄黃山後號曰新民仁熙上書言武侯兵民雜處涓濱而不亂以屯田耳今新民實賊也坐食舊民之粟而不事佃作數月食盡新民颺而之他舊民餓守空谷可爲寒心楊得書韙之卒不能用賊至避亂蘄州蘄破還居藕灣盡發藏書讀之與劉醅驥顧景星以詩學相砥有聲江漢間順治中以歲貢舉不出商邱宋榮官黃州通判以賓禮館之雪堂世所傳雪堂墨品仁熙爲榮作也吳正治王澤弘欲以隱逸薦之仁熙固辭不可乃止康熙二十三年聘修湖廣通志卒年八十四著有藕灣集次子佳晟字晉夫少讀書邑紫金坪宋余義夫所居也五年徧覽經籍以博聞稱康熙甲子舉人授沅陵教諭陞安陸教授

湖北先賢學行略 黃州府志

舒逢吉字康伯廣濟人康熙初歲貢天資敏捷文不加點兼嫻韜
略參副總兵王宗臣幕討山賊有功後任瀏陽訓導上官知其才
令攝縣事判決如流獄多平反著有綜雅一百卷詩文集二十卷
弟峻吉一作峻極遂吉皆以文行知名峻吉字漸鴻少隨父益生避亂
至豫章從彭士望魏禧胡以寧諸名宿遊歸里補諸生工詩古文
旁通金石篆法行草尤酷似米芾爲人伉直任俠友人劉子杜才
而天爲文告其靈以女字其孤卒教之成立其尙義如此著有韋
園集十二卷同里王衍治者明參議大謨之孫貢生著有柳舟稿

與宣城施閏章交善

黃州府志
廣濟志

金德嘉字會公廣濟人之純子

之純見
列傳

由舉人官安陸教授康熙

壬戌會試第一授檢討館中推爲碩儒二十六年典試貴州稱得
士預修明史極力表章殉節諸臣分修一統志於楚中郡邑考訂

志百五十二

人物三十 文學傳

三

尤精逾年告歸德嘉內行純篤幼值明季寇亂與兄德崇奉母轉
徙逃匿伏叢莽中左右扶掖卒脫於禍母病脾泄牀褥污垢惡爲
人所見德嘉躬自浣濯人至則以身蔽之事兄有加禮致仕里居
者二十年閉戶著述斗室中圖書充塞兀坐編摩不倦卒年七十
八學者私謚曰貞孝先生著有居業齋集續元明名臣言行錄黃州

府志
湖北
先賢學行略

黃利通字曉夫黃梅人康熙甲戌進士授賀縣知縣有政聲時征
八排叛猺利通上平猺策帥府嘉之以薦擢吏部主事丁母憂起
工部營繕主事逾年告歸築室太白湖濱斗室蕭然歌聲時出金
石所爲詩文不削草極縱筆揮灑之致著有石亭懷亭等集從子
之騏家貧好學亦工詩文雍正己酉舉人官內閣中書黃州府志
喻化鵠字岑居黃梅人雍正時歲貢幼穎異嗜學家藏書萬餘卷

丹黃皆徧不屑爲制舉藝刻意於古文辭與同邑黃之騏孟閑熊
恢溥舍李枚西卜蔡洲瀛洲並以博通見稱號黃梅五子化鵠始
與黃利通討論文章義法晚尤與桐城方苞相契數至金陵訪之
性好遊吳楚佳山水皆至焉葺菴園於城西居之遂不復出自號
菴園老人卒後孫本鑰輯其文曰素業堂雜著從子坦亦能古文
爲方苞所許

黃州府志

喻文鏊字治存一字石農化鵠從孫乾隆閒恩貢授竹谿教諭不
赴文鏊年未三十詩文有盛名文出入韓柳詩法昌黎已乃陶冶
百家嘗游梁宋秦隴閒詩境益進著有紅蕉山館詩文鈔考田詩
話湖北先賢學行略若干卷子元鴻字鐵仙貢生少承家學淡於
進取著有三經雅言觸書家範及詩文集上高李祖陶曰菴園文
和雅似歐石農文奇崛似韓鐵仙文敷暢似蘇祖孫父子一脈相

志五十二

人物二十 文學傳

美

承而面目各別文之以真貴者在此云

黃州府志

吳鐸字振之黃梅人咸豐戊午舉人授大冶教諭旋丁母憂晚選
天門教諭陞德安教授鐸好學至老不懈詰經博取前說而研極
之斷以己意著有筆記十二卷及四史志疑十三經疑字解諸書
嘗游蜀遇鬻婦者解橐中金全之天門同官王某歿家貧鐸資其
歸櫬並爲時所稱

采訪冊

陳中龍字漢麓

一作海樓

安陸人乾隆己未進士授編修告歸歷主麟

山江漢書院以敦品勵行爲教時作詩寓懷類陸放翁乾隆六十
年重宴鹿鳴又見玄孫時傳爲藝林佳話

嘉慶志

董旦字夢錫安陸人乾隆丁卯舉人賦才敏捷好讀書以文學著
與邑人王旒應城程大中雲夢馮炳時齊名旒字練九乾隆庚子
舉人篤學力行淹貫經史尤多厚德嘗爲子置妾已歸聞其有夫

遣之婦泣曰年饑債迫歸恐仍不免乃招其夫與居歲熟始歸又娶入門知爲同姓擇婿嫁之

德安府志

寇鈞字青棠安陸人嘉慶辛酉拔貢精考訂之學工詩八分書得漢人遺意殘縑賸紙人爭寶之弟鎰字仲渾嘉慶丁卯優貢工詩及畫山水同邑劉增字益仲十歲能詩才思秀拔嘉慶丁卯順天舉人歷官英德乳源知縣

安陸志

李道平字遠山安陸人嘉慶戊寅舉人少勵志於學取漢以下至康乾間諸儒三十七人奉爲模楷倡修先儒趙子祠與生徒講習其中所學於諸經皆有發明而尤邃於易撰周易集解纂疏三十六卷萃惠棟張惠言諸家之說集漢易之大成易疏外有易筮遺占詩三家旨述讀經讀史性理諸錄安陸文獻考有獲齋詩文集等書道平父失偶不再娶多病飲膳臥起醫藥之屬道平皆躬親

志百五十二

人物二十 文學傳

七

之不假手臧獲三十年如一日晚官嘉魚教諭手訂學約諄諄以躬行爲務三年卒官諸生哭有失聲者

安陸志

卓逢原字資川安陸人歲貢任來鳳訓導嗜學工文教授生徒常百餘人著有貽穀堂文集

采訪冊

陳作賓字雁臣安陸人性貞介年二十爲諸生家貧授徒自給不輕干人初張文襄提學湖北置經義治事學舍與弟作輔作彥皆以高材與選歲辛卯由副貢選授竹山教諭留充兩湖書院監院歷署江夏教諭江夏訓導辦院事如故久之請還竹山本任日坐荒齋招進諸生砥節勵學多所殫究丙申大饑人相食縣紳議設粥廠城中令恐聚衆持不許君力任之又詳述災狀寓書丐御史張仲忻聞於朝奉旨飭楚督賑濟全活無算旋以老乞歸竹山人至今思慕之所著有邑南人物志七鈍軒詩文集作輔字弼臣諸

生嗜學博通羣籍著楚北三都賦知名作輔事親純孝父卒哀毀
幾滅性母多病覓治百方察於未形聽於無聲未嘗一日去側卒
以孝行旌采訪冊

彭國殿字四宜雲夢人康熙時歲貢少警敏潛心性理師事孝感
彭大壽魯岡得聞率性宗旨嘗哀輯古今人物擇其嘉言懿行體
用兼備者自漢訖明得百六十四人名曰實學譜凡十卷又輯有
敦行錄十卷學者稱爲彭岡先生同邑王正字彥倩康熙癸巳進
士亦從學於彭大壽究心宋五子書任武昌府教授課士一遵白
鹿洞規以老致仕卒年七十八學者稱爲深港先生著有讀書管
見三卷邇言二卷家訓質言二卷古文若干卷德安府志

郝世貞字凝一雲夢人乾隆丙辰進士改庶吉士散館授知縣以
病不就歸著有雲溪詩文集歸田雜記其後有郝師直者字洪伯

志百五十一

人物二十 文學傳

天

諸生少隨父僑居隨之洪山作洪山記時皆詫爲異才及長博覽
羣書究心經世之學著述甚富邑人馮瑄爲刻其志古堂詩集德安府志

萬法周字象濂雲夢人乾隆甲午副貢入成均名籍甚以陸錫熊
薦入館校四庫全書嘗出山海關古北口歷覽灤河瀋陽山川風
景入勝一一見之於詩選松滋教諭以老不赴陋屋數椽吟嘯自
樂卒年七十五有詩鈔七卷雲夢志 湖北先賢學行略

左瑛字瑤圃雲夢人道光乙巳進士授編修咸豐元年典貴州鄉
試告養歸瑛性清介善讀書居京師十餘年終日櫛戶諷誦不輟
在籍值軍興以團練及籌餉有勞晉侍講銜著有鶴棲堂詩稿黔

遊日記

雲夢志

田敷芷字爾梅應城人歲貢幼有神童之譽及長博覽載籍一日

讀近思錄遂大感悟盡棄向所爲詩文專事洛閩之學增輯朱子小學呂氏鄉約以訓子弟又著有明儒考略

德安府志

黃在瓚字瑟玉應城人有文名康熙癸酉舉人官仁和知縣嘗泛舟西湖見一少年甚英俊詢姓名曰金姓招之入署誨以學後姓果得大魁一時服其知人告歸築室陳河吟詠自適著有存書樓

內外集

德安府志

程大中字拳時一字是菴應城人乾隆甲戌明通榜進士官蘄州學正遷青溪知縣治績卓著大中爲諸生時孝感夏力恕主講江漢書院因遊其門詩古文具法度潛心學殖穿穴經史旁引曲證務爲精博著有周禮外義四書逸箋在山堂甲乙存稿別稿餘事集蠹書測言後告歸卒於家

德安府志

呂庭栩字梁湖應城人父之偁好藏書庭栩以博覽聞嘉慶庚申

志五十一

人物三十

文學傳

完

舉人生平著作甚富嘗主講蒲陽永陽書院尋任黃安教諭歷十四年訓誨不倦歸卒年九十三

應城志

朱奇生字亦人隨州人康熙丁酉拔貢講求理學以考亭爲宗以居敬窮理爲要爲忠恕勤敬四箴以自勗取孟子人禽幾希之旨因名所撰著曰幾希集方苞爲之序又著有四書發注與學者講論終日不倦遠近宗之年七十餘卒

隨州志

閔衍字蕃伯應山人康熙癸未進士授孝義知縣行取戶部主事轉員外郎乞假歸潛心經史百家之書闢枳園自娛著有楚音正譌印麓山房詩集其父則哲所著檢心集多未成書衍編錄成十四卷後得採入四庫書中子能恕性敏嗜學康熙甲午舉人官益陽教諭著有藝能錄培蘭齋古文嘯雲詩草蜜脾集殖學集三餘廣錄孫鵠乾隆己丑進士官刑部主事著有此志軒文集

德安府志

山志

魏繼宗字紫沆鍾祥人幼穎異為諸生名噪一時有三楚無雙之目金德嘉引以為友以歲貢終所著張霄幄詩稿門人李蘇刻之江都王式丹讀之以為奄有眾長又有激沆軒虹村等集鍾祥志

高雲路字向五鍾祥人諸生性狷介居遠城市築雨香亭日事吟詠脩然絕俗所為詩清削有態著有抱廬集鍾祥志案湖北通志檢存稿云雲路詩

名兼山李蘇字眉山一字環溪鍾祥人康熙癸未進士授江都知縣有被誣以姦殺人者蘇鞠實其寃得白著有環溪詩集弟蓮字石湖康熙壬午舉人授南昌知縣有廉惠聲著有漁浦詩集湖北先賢學行略

名兼山

李蘇字眉山一字環溪鍾祥人康熙癸未進士授江都知縣有被誣以姦殺人者蘇鞠實其寃得白著有環溪詩集弟蓮字石湖康熙壬午舉人授南昌知縣有廉惠聲著有漁浦詩集湖北先賢學行略

李巒字亦山鍾祥人兒時善病輟誦逾冠乃折節讀書有疑必問解而後已喜誦詩有會心處輒謂得畫家三昧因復學畫遂以畫

名善山水作意工整而氣韻淹漬蓋以墨勝也高安朱相國軾撫浙時曾以其畫進御客維揚與王樓村顧俠君輩相酬倡著有晚秋書屋快雨山房邗上豫章諸集鍾祥志國朝畫識

金維岱字紫峰鍾祥人乾隆壬申進士授檢討母老乞養歸歷主淮陰蘭臺鹿門宛南各書院為文根柢經術力矯浮蔓陶甄多士成名者前後二十餘人著有慎餘齋集十卷詩話四卷鍾祥志

李潢字雲門鍾祥人乾隆辛卯進士授編修考擢司業累遷內閣學士典山西江南鄉試視學浙江遷兵部右侍郎嘉慶元年充會試副總裁二年視學江西轉左侍郎先是潢嘗授和坤子額駙豐

伸殷德讀和坤敗坐坤黨降編修卒潢博綜羣書尤精算學推步律呂俱臻微妙與開化戴敦元共究中西之奧著九章算術細草圖說附海島算經九章初經戴東原震從永樂大典中錄出潢一

一顯之於圖於東原所謂舛錯不可通者皆疏而通之潢又以古
算書自九章外最著者莫如王孝通之輯古祇有原術而未詳其
法乃爲之考注古書復明於世彭元瑞純昉咸斂手推服續疇人
傳參鍾

志祥

譚之琥字禮西一字東巖京山人康熙中貢生授廣濟教諭嗜古
博雅覃思經訓著有詩小序解春秋義解聖祀賢儒錄方竹堂詩
文集其鈐雅一書十六卷精核詳贍尤爲時所稱晚年命其子又
旦於東巖山下埋其詩題石曰東巖詩冢京山
志

李元字太初京山人父訓遺腹六月而生孤貧力學夜無膏火則
默誦有遺忘熟香炷照之其篤苦如此乾隆辛卯舉人以知縣發
四川歷仁壽金堂南充等縣有循聲嘉慶二十一年乞病歸唯載
書數萬卷而已元雖在官不廢學問文筆淵雅撰述極富有渾齋

志五十二

人物三十 文學傳

三

七種一蜀水經十六卷二音切譜十八卷三聲韻譜十卷一以顧
亭林音學五書爲鵠四寤索三卷闡明河洛太極之說多前儒所
未發五乍了日程瑣記六通俗入戒一卷七蠕範八卷一時通博
之士皆重其書官仁壽時手修縣志體裁極爲謹嚴又著有操觚
錄桑梓錄又著算書李侍郎潢亟稱之京山
志

莫與先字大岸潛江人父若智字楚江有學行教授里中督弟若
玉及與先學皆知名與先順治戊戌進士官高邑知縣引疾歸益
沈酣經史爲詩歌古文辭必已出一時同輩皆推服之事母曲盡
色養結茅月泝之濱環堵蕭然日手一編不輟卒年八十著有南
陂詩鈔讀史樂府今是堂集郇笈諸書若玉字釐峰性好學與與
先考訂文藝疊疊移日至老彌篤潛江
志

朱士尊字偉臣一字石戶潛江人少負異稟先世富藏書誦覽幾

徧值寇亂棄舉子業務爲經世之學於杜鄭馬邱諸書紀其未備
溯源竟委參以時事名曰治平要錄又著有史略偶鈔編柳堂集
年七十八卒子載震字悔人康熙中拔貢初邵陽王又旦以詩鳴
海內來宰潛江士尊命載震往師之及入成均適新城王士禎爲
祭酒得遊其門士禎謂其詩特工於五言澤潞紀行諸篇力追古
作者朱檢討彝尊韓宗伯莢皆引重之由教習投四川石泉知縣
有惠政卒官著有東浦詩鈔十卷

潛江志

胡承諾字君信一字石莊景陵人明崇禎末舉人順治中謁選吏
部以老句歸閉戶不出臥天門中柘間窮年誦讀於書靡所不窺
而彌自韜晦生平無講學之名而析理至精考道至切持身至峻
論事至平著繹志六十一篇凡聖賢帝王名臣賢士與凡民之志
業莫不兼綜條貫原本道法切當人情酌古宜今爲有體有用之

志百五十二

人物三十 文學傳

三

學凡二十餘萬言承諾自擬其書於徐幹中論顏之推家訓然其
精粹奧衍非二書所及又有讀書說八卷與是書相表裏或言蓋
其初稿也又喜爲詩有菊佳軒集宏深博奧不屑爲頽秀語以趨
時尙王士禎編感舊集載承諾五言甚多子裒字嘉言國子監生
亦能詩

湖北先賢學行略 清
儒學案 先正事略

譚篆字玉章景陵人父元亮崇禎副貢官漢川教諭篆順治戊戌
進士授編修十七年典試江南號稱得士擢國子監司業預纂孝
經義疏進侍講以母病告歸母卒廬墓三載篤於宗親伯叔羣從
貧乏者皆資給之嘗推宅與從弟弟歿養其母撫遺孤成立同村
數百家瀕水苦澇篆獨任修築不以累衆又爲當事力陳里中利

弊鄉人德之

天門志

譚孫遠字志草景陵人元方孫

元方見
列傳

父荀拔貢好讀書孫遠初

以文章自名後乃壹意講學榜所居曰敬室著有敬室語錄教授門弟子甚衆人稱還齋先生子一豫字崇叔由廩貢官長陽教諭工詩善畫學宮在鳳凰山麓山水秀絕一豫朝夕吟諷其間諸生斐然興起一洗喬野之習遷涇陽縣丞撰涇陽志多可觀天門志

魏運昌字廣伯景陵人家貧力農童子時負薪驅犢必挾書往羣兒嘲之不顧康熙乙丑拔貢授平江教諭教士有法巡撫趙申喬檄令覈附案生名籍將削之運昌言其來已久應酌定期限一以康熙三十九年爲斷以前者姑從寬宥以後禁止申喬從其議旋乞歸時有議開京山操家口泗港者運昌上書巡撫陳詵力陳其不可進士龔廷颺等亦言之事竟得寢運昌善古文辭謹嚴有法集若干卷湖北通志檢存稿

熊士鵬字兩溟一字純灣天門人嘉慶乙丑進士官武昌府教授

志百五十二

人物二十 文學傳

三

喜培植孤寒以風雅提倡後進教士皆有繩尺著有兩溟詩集采訪冊

劉涪初名天民字孝長天門人嘉慶丙子舉人資稟絕人於書不再覽下筆千言立就仁宗駕幸五台涪以諸生獻詩賜文綺及計偕入都聲名大起或以爲賈誼蘇軾之流久之授遠安教諭到官數月棄去浮沈閭里以終年五十九著有雲中集同時胡鼎臣字子重張其英字瑋公皆天門人與涪相倡和號竟陵三詩人又皆與監利王柏心交善柏心謂劉詩雄豪以氣勝胡詩質厚以思勝張詩善往復以韻勝鼎臣工山水竹卉貧甚時以畫自給著有始誦堂遺稿其英由優貢官南漳訓導著有角山詩鈔采訪冊黎嘉會字美夏以字行襄陽人諸生能詩工書畫推官阮涵奇其才以國士許之蔡九霞贈以詩有一代詩豪之目著有知非集襄陽

府志

顧夔璋本籍嘉禾祖文煒始居襄陽遂為襄陽人乾隆癸酉拔貢幼有神童之譽著有曲尺軒詩集二十四卷長洲沈德潛為之序

沈為諸生時嘗以文受知於文煒云

襄陽府志

樊應榮字賜莊襄陽人雄楚孫

雄楚見列傳

歲貢篤內行居親喪三年

不出戶庭精漢儒訓詁之學著有諸經札記皆據爾雅說文鈞稽

考證以會其通兼工詩有祖風

襄陽府志

案縣志云應榮卒後或匿其遺書故不顯

王萬芳字季遠襄陽人年十七縣府院試皆第一補諸生內行純

篤父喪三年不入內室與伯兄萬齡仲兄某友愛無閒同治庚午

以優行貢成均去客遊盛京將軍幕居塞上詩文益進未幾辭歸

授經自給性善飲工書醉後所書尤暇整求者至集無貴賤輒許

之光緒戊子己丑聯捷成進士授編修辛丑自行在回京中道擢

志百五十一

人物三十 文學傳

三

浙江道御史未任卒

采訪冊

魯桂元字雲衢宜城人歲貢官枝江訓導初家居時值教匪之亂

上防勦八議當事多采用之事平倡建六善義塾以訓正風俗性

好學哀輯舊聞益以時事著有鄆都采訪記三十卷

襄陽府志

劉義字我山棗陽人諸生精史漢不喜攻舉子業獨心慕顧氏炎

武之為學刻苦自勵從兄巖官狄道知州義往從之因習知關隴

形勝嘗裹糧徒步行千里備歷其要塞著有關隴山川紀略九州

天星分野臆說等書竟以窮困終

襄陽府志

徐克昌字梅岑光化人父超官副將克昌九歲能詩年十四作盆

梅賦為時稱賞及長博學強記嘉慶癸酉拔貢入京師與名流鉅

公結吟社相倡和晚歸六股泉嘯歌自適年八十餘卒著有瓊瑤

齋詩文集唾餘草

襄陽府志

張懋勳字漢卿竹谿人其先商州祖自成康熙初官竹谿千總有復縣境功擢守備署遊擊因占籍焉懋勳嗜學爲諸生有聲黌序邑經兵燹文籍無徵懋勳先後采輯得創置記一篇學記五篇寺觀碑文數篇爲存古錄後復纂修志稿以歲貢終

竹谿志

楊名鳳字雄六鄖西人順治拔貢姿性開敏少師事熊魁楚熟於

掌故兵燹後欲知邑中舊事者咸往諮焉後官扶風縣丞

嘉慶志

胡作柄字謙持荆門人康熙甲午舉人授仁和知縣有惠政作柄

高才博學長於著述有荆門舊聞耆舊記及詩文集嘗與其兄作

梅作相弟作楫鍾祥李蘇李蓮等結爲金河詩社士林稱羨之作

相字代言康熙癸巳舉人作楫字濟川康熙中拔貢作梅自有傳

荆門州志

張洪字石欄荆門人父弘壁順治中副貢長於理學著有詩解易

志百五十二

人物二十

文學傳

三

解澗園詩稿洪康熙甲午舉人少承家學以著述爲事有易纂言

草根吟詩子勳康熙庚子舉人有應堂詩文集季子鰲雍正壬子

鄉試第一有清約齋雜著自在詩集鰲子增健字乾夫乾隆初副

貢有又村文蛻鼓缶編詩草一門四世皆以文學見稱

荆門州志

栗引之字長伯當陽人選貢博學多聞性曠達不樂仕進居青溪

山中茅屋數椽吟諷自得每攜書囊入玉泉鬼谷幽處兀坐竟日

與同邑楊州彥友善倡和無虛日著有大雲樓存稿玉泉山志州

彥字倩公順治己亥進士官任邱知縣以疏忤上官罷歸家徒壁

立以詩自適刻意生新出入廬仝李賀之間著有澹園詩文集

當陽志

志

聶子英字安業當陽人博覽羣書嘗言讀經如對嚴師讀史如對

法吏晚年工詩自漢魏以至唐宋各家詳加評較閉戶者垂四十

年著有安業堂集

荆門州志

李懋緒字汝時號止所江陵人諸生學以姚江爲宗著有荆樹居文略凡語錄五卷詩文五卷同邑漆士昌字秋浦與懋緒友善講學不立門戶主於明體達用嘗受業容城孫奇逢奇逢著理學心傳纂要凡七卷士昌錄其師語錄列於顧憲成之後共爲八卷

湖北先賢學行略

李世恪字共人江陵人父華國崇禎丁丑會試副榜世恪少以博洽知名中順治丙戌舉人授鳳陽府推官性才敏剴決如流告歸與一時遺民宿老詩篇倡酬年八十二卒著有謀笑軒詩稿詠史詩百首子震生字一男順治乙未進士累官吏部郎中嘗因公事至蘇門遂與孫奇逢訂交著有蘇門遊草

江陵志

張施均字惟甄江陵人可前孫

可前見列傳

貢生性澹泊以著述爲尙

志百五十二

人物三十

文學傳

美

與黃岡王子琰蒐輯鄉先達遺詩彙爲一編曰湖北詩佩自著有

茶園詩鈔

江陵志

張應宗字魯峰江陵人乾隆丙辰副貢官大冶教諭讀書穎捷自經史外旁及算法樂律諸書無不究覽工詩古文著有韻衡三卷於古韻多所發明其以沈約鍾山應教諸詩證四聲八病之言不出於約又謂反切非梵音以華嚴字母乃中華譯經之文並非天竺本義說尤精確弟應龍乾隆丙子舉人授新喻知縣應宗旣引年歸以書招應龍築荆樹軒以共老焉

湖北先賢學行略

劉士璋字南赤江陵人以學業受知於洪素人吳白華兩學使充乾隆己酉拔貢洪去任以書數千卷贈之裒益得聚書萬餘卷顏其樓曰富猗殫心撰述尤精考訂與陳愚谷工部爲至交晚主講墨池書院著有三湖漁人全集等書其所警校則吳氏藝海珠塵

爲巨帙云子經裕號小村嘉慶庚午舉人授嘉應州同以清廉著
著有小漁村詩稿荆州府志參采訪冊

程炘字曉山一字默子江陵人嘉慶丁卯舉人生平以正學自勵
置自省編日之所爲夜必書之白首養親孺慕彌篤爲詩文冲和

澹雅著有款花居集默翁碎語江陵志

孟培楨字壽林江陵人道光乙巳進士授編修與曾文正國藩袁
編修芳瑛劉孝廉傳瑩以古學相勗以母疾歸省尋值粵賊陷武
昌文正奉命督師連戰皆捷逐賊至皖境培楨與書略曰困獸猶
鬪不無出柙之憂譬如捕鹿勢將犄角設南師議戰而北師按兵
機會一失恐成蹉跌彼此之間利鈍殊情旣而江北軍潰於九江
賊上竄武昌復陷文正深謝之巡撫胡文忠林翼聞培楨名欲致
之使者三返以親老辭培楨內行修飭甚爲物望所歸服闋不復

志百五十二

人物二十 文學傳

三

仕率於家

江陵志

鄧承宗字孝旃江陵人道光閒拔貢少通敏有奇氣家饒財傾資
結客所交盡知名士相與角逐詞章以爲樂唐樹義宰監利江隄
適潰公帑告竭承宗輦錢萬數千緡至以賑饑者全活甚眾隄工
亦完江陵志

龔紹仁字九曾監利人道光庚子進士改庶吉士授戶部主事不
樂郎署告歸息意仕進益沈酣古籍一以發之於詩事親篤孝冬
夜侍疾衣不解帶者彌月母晚年不茹葷紹仁亦戒殺生物與弟
紹儀友愛甚摯文字自相師友著有九曾詩鈔時同邑蔡氏兄弟
三人皆有名以倬字倬人嘉慶己卯進士工詩樂府尤豪逸以僖
字魯瞻道光乙酉舉人以倬字季舉諸生早卒監利志采訪冊

王柏心字子壽監利人幼警悟長盡通經史百家言撰樞言十六

篇婁縣姚椿益陽湯鵬見之擬於申鑒中論林文忠則徐涖楚令其子師事焉道光甲辰進士授刑部主事年已逾四十父母皆老踰歲告歸主講荆南書院課士之餘承歡養志以是爲恆咸豐二年粵匪告警柏心謂岳州爲楚北門戶宜設重兵不可縱賊東下令賊編筏出洞庭則不可復制已而果然又謂漢陽必駐重兵而後武昌乃得保岳州必駐重兵而後湖南可無事田家鎮爲下游門戶必有強兵猛將而後兩湖藩籬乃固當事是之時賊勢猖獗天下多故柏心撫時感事發於歌詩名曰漆室吟好留心人才與胡文忠林翼左文襄宗棠交尤厚文忠之釐漕弊也柏心實贊成之同治元年詔求直言柏心取伊訓太甲篇中精語爲經論八首以獻又陳封事八條一廣師儒二屏嗜慾三博咨訪四開特科五亟下金陵六早備秦豫七擇外吏八寬權算納之柏心在講席二

十餘年屢膺疏薦卒以母老不出生平勤於著述不以學驕人道光末大水斗米千錢柏心出穀平糶家有所餘悉以濟窮乏者年七十五卒門人私謚曰文貞先生哀錄詩文雜著爲百柱堂集五十二卷子家仕有文才早卒

清史館傳
荊州府志

郭譜字南村監利人少喜聚書築室種花竹吟詠自樂尤嗜陶淵明詩章傲而句摹之性簡澹遇勝流逸士觴詠窮日夕不倦著有南村詩鈔子尙荃尙芝均能詩

監利志

李自郁字文叔松滋人順治辛丑進士授吏部主事自郁孝友能文章早卒士林惜之始祖黃姓居松滋改從外家姓蓋黃子澄後

裔云

松滋志

易玉權字崑圃宜都人歲貢生平以理學自勵講明周邵朱陸之旨教授主徒甚眾嘉慶初教匪倡亂城中遷徙一空獨玉權一家

不去知縣陶紹侃就謀所以保守城者玉櫛爲畫策賊平紹侃欲薦之固辭著有崑圃詩集宜都志

劉光榮字月橋宜都人幼孤貧力學道光甲午鄉試第二授安陸教諭粵匪躡楚辦理漢東團練有勞賊犯郡城光榮謂當選精卒出禦不可以守城示弱不能用及城陷生平著作散失其春秋衍義武備輯要法戒錄厘存以薦擢大寧知縣未任卒采訪冊

王席民字安生夷陵州人諸生明末避亂匿山中胡際亨保湖南召掌書記城破籍爲卒伍隸趙某日負芻以供軍爨一日趙與語大奇之引爲賓客從趙之官代州暇乃復事文史閒以詩歌自娛多感時嫉俗之言有存稿二卷朱彝尊撰墓誌

羅宏備字我生夷陵州人順治甲午拔貢性孝友博學能文章縱遊燕齊吳越閒吟詠日富授州判以將母不就著有習靜堂集同

志百五十二

人物三十 文學傳

三

邑劉廷僖字自怡少有詩名與丁澎高世泰遊善由貢生官荆門州訓導有秋草軒天放堂集又陳士望字斗南以明經歷臨武大治訓導於書多所瀾覽篤志古學有芝雲亭集宜昌府志

毛一驄字天選東湖人雍正乙卯拔貢博聞強識爲同人所推服乾隆元年總督邁柱巡撫吳應棻以博學鴻詞薦入都道卒著有

晴雪堂詩集宜昌府志

譚大勳字力臣長陽人道光乙酉拔貢攻經史徧覽百家以精博稱著有讀書一得讀詩一得新唐書摘繆水經注刊誤明事類編長陽志備考及駢文詩集王柏心撰墓誌